

貴池縣志

230.167
39
15



貴池縣志卷三十二

知貴池縣事陸延齡重修



人物志

流寓

漢

高獲字敬公汝南新息人少遊學京師與光武有素舊師事司徒歐陽歙歙下獄當斷獲冠鐵冠帶鐵鑕詣闕請赦帝不從謂曰敬公朕欲用子為吏宜改常性獲對曰臣受性於父母不可改之於陛下出便辭去三公爭辟不應後太守鮑昱請

貴池縣志

卷三

人物志 流寓

獲既至門以不就迎去時郡大旱獲素善天文曉遁甲能役使鬼神昱親往問何以致雨獲曰急罷三部督郵明府當自北出到三十里亭雨可致也昱從之果得大雨每行縣輒式其間獲遂遠遁江南卒於石城人共為立祠

江南通志

按高公墓並祠在貴池者有二詳秩祀志

唐

李白字太白系出隴西成紀而產於蜀之彰明其文章橫被六合力敵造化天寶三年供奉翰林以進清平詞被譖放還乃縱酒浪跡半天下曾由金陵上秋浦更九子山名為九華徧

遊清溪白笱桃胡陂玉鏡潭江祖石大樓山苦竹嶺黃山桃花隴五松山陵陽山杉山之勝輒畱題詠天寶十四年坐永王璘事繫潯陽獄流夜郎半道釋還復過秋浦寶應元年依宗人李陽冰於當塗卒葬當塗之青山池人於所題詠處建祠祀之

府志

李昭象字化文池州刺史方元子方元罷池州卒於宣城其家遂畱秋浦懿宗末昭象至長安以文干執政路巖巖問其年曰十有七矣巖器之薦於朝將召試會巖罷相事遂已而黃巢之亂作昭象乃入九華結屋碧雲峰下與張喬顧雲輩唱

貴池縣志

卷三

人物志

流寓

一

酬垂釣流觴至今尚畱遺蹟龍紀中楊行密鎮宣州以書招之不赴卒葬同山

江南通志

羅隱字昭諫又號江東生餘杭人父則乾符閒爲池州鐵官遂家梅根浦上及去有別池陽所居詩有憶九華詩有憶池陽詩又寄友人詩曰九華曾屏跡罹亂與心違又寄舊知詩曰清溪煙雨九華山亂後應同夢寐閒又與池人顧雲臧瀆輩酬和甚夥則其不忘情於池可見矣隱十上不第後依錢鏐爲鎮海軍掌書記節度判官奏授司勳郎隱請討朱溫鏐雖不從心甚義之年七十七卒其詩主風刺時稱其忠義與

弟鄴及天台羅蚪號三羅云

見十國春秋並府志

李漢雄欽州刺史天祐初罷郡居池州府志

宋

檀珪字伯玉高平金鄉人世居京口祖韶與弟祇道濟並從宋高祖有佐命功韶至左將軍領江州刺史封宜陽縣伯傳子緒無嗣以祇子臻紹封而珪臻子也初令沅南累官安成郡丞遷南陽太守後其子和遷居石城至今號檀村珪墓在其

處府志

按檀珪舊府志入於文苑康熙府志列於流寓以珪

貴池縣志

卷三

人物志

流寓

一一

之子和始遷石城與程端中身遷居貴池者自別今從之

孔武仲字常父新喻人與兄文仲弟平仲皆有文名號三孔嘉祐間武仲登進士第累官國子司業嘗論科舉之弊詆王氏學進中書舍人直學士院建北郊議遷禮部侍郎出知洪州坐元祐黨安置池州多咏池州山川風物所著有詩書論語金華講義內外制雜文共百餘卷府志

沈遼字叡達錢塘人學士邁之弟好學傲睨一世熙甯初爲審官西院主簿攝華亭縣他使者適有夙憾文致其罪奪官流

永州赦徙池州得九華秋浦玩其林泉喜曰使我自擇不過爾爾卽築室於齊山之上名曰雲巢好事者多往遊焉遼追悔平生不自貴重悉謝棄少習杜門隱几雖筆硯亦埃塵竟日閒作爲文章雄奇峭麗尤長於歌詩曾鞏蘇軾黃庭堅皆與唱酬往來就水石之勝竟不復起元豐末卒江南通志陳邦光政和閒爲太子詹事蔡京獻太子大食國琉璃酒器太子怒曰天子大臣不聞以道義相訓乃以玩好之具蕩吾志耶命左右碎之京以爲邦光所激諷言者擊逐之遂安置池

州府志

貴池縣志

卷三

人物志

流寓

四

朱夢說宣和閒布衣上書論宦寺權太重詔編管池州府志

蕭振字德起温州平陽人登政和七年進士第知臺州紹興二

十二年落職謫池州後起敷文閣待制知成都秦檜諷御史

劾之復謫池州居住府志

以上漆志

宋穆修字伯長鄆州人囚官泰州司理參軍負才與眾齟齬通

判忌之使人誣告其罪貶池州宋史本傳
安徽通志

曹清字立甫甯晉人厯起居舍人天聖中謫知彭澤過貴池愛

東原山水遂棄官築室以居一統志並
安徽通志

以上新增

明

張宗道原名巨漢天師道陵之後精青囊術明初避陳友諒改名隱於貴青間為青陽陳寬贅壻洪武己未應召觀京師山川形勝王氣貴池葬地經所卜者多畱識焉舊志

吳寬字仰崑一字孟容原籍江西治形家言以宣正時來池館於峽山徐氏數年其鄉有辜有鑑者飄泊至館中盤桓不去盡吐其胸中地理之奇寬遂師事之業益精而貧日甚石門高元祖瀆湖姜至敏特敬禮之其術遂行為人卜壤畱識如

貴池縣志

卷三

人物志 流寓

五

神著有杲堂經多被術者竄亂其真本存於姜氏舊志

程柵字來周新安人寓池州有九日登金鏡崖遲四兄來鳳不

至詩曰風袂翩翩九日來清秋萬里亂煙開松蘿深鎖金鏡

洞水月光搖玉鏡臺雲外不歸王子鳥花前虛負惠連杯夕

陽徙倚空庭望渺渺江天一雁迴府志

彭而述字禹峰河南鄧州人官陽曲知縣明末挈子始搏始奮

并眷屬避亂貴池之高田主吳應箕家三年乙酉應箕兵敗

始歸後吳孟堅之南陽訪舊而述待之甚厚有朱陵送孟堅

歸江東詩曰雁峯山上酒送子去江東吳楚方飛輓滇黔未

掛弓存孤慚李固後死愧臧洪無限新亭淚秋花滿故宮

采訪

張家玉字元子廣東東莞人崇禎十六年進士改庶吉士李自成陷京師被執不屈上書請旌己門爲翰林院張先生之廬而隆禮劉宗周黃道周等賊敗南歸阮大鍼等攻其薦宗周等於賊被逮南都失守脫歸從唐王入福建擢翰林院侍講監鄭彩軍出杉關謀復江西順治三年彩聞兵至奔入關家玉戰敗亦入關募兵惠潮說降山賊數萬將赴贛州急會汀州失乃歸東莞四年結鄉兵攻東莞城下之籍前尚書李覺

貴池縣志

卷三

人物志

流寓

六

斯家貴犒士三日敗走奉表永明王進兵部尚書又敗走西鄉合家殉難西鄉大豪陳文豹奉家玉取新安襲東莞戰赤岡未幾敗走鐵岡文豹等皆死覺斯修怨發其先壘盡滅其族家玉過故里號哭而去道得眾數千取龍門博羅等州縣據之復募兵萬餘人家玉好擊劍任俠故所至歸附乃分其眾爲龍虎犀象四營據增城

大兵步騎萬餘夾擊大戰十日力竭歎曰矢盡礮裂欲戰無具將傷卒斃欲戰無人烏用徘徊不決以頸血濺敵人手哉因自投野塘中被救行遁至貴池之太和村冒章姓有章蘭斗

者素好義與語相友善聯宗蘭斗慕其文行命子士元士充
學焉每當風晨月夕慷慨作不平聲交既深遂具言里居姓
字及被陷起兵本末蘭斗聞之亦爲悲歌飲泣且曰生於我
乎館死於我乎殯易簀時家玉召士元等曰吾之苟全於此
非義也若以後所贈爵諡表其阡益滋之愧仍書翰林院張
某之墓以示無忘先帝意蓋永明王聞家玉投野塘死曾贈
少保武英殿大學士諡文烈也歿後士元等葬於寺冲章山
如命書之於碑今尙存

明史並章氏家乘 按采訪冊家玉字芷園非字元子寓章蘭斗叔章慈

祥家非寓蘭斗家教慈祥子先斗焯斗非教蘭斗子士元士充也存參新纂

貴池縣志

卷三

人物志 流寓

七

國朝

張翰江西人善陰陽風角之術知縣趙衍建水德亭以弭池之
火患翰推算煞星犯主祭因代之祭卽於是日卒衍爲卜葬
於百牙山邑人爲衍立祠以翰配享每歲九月結社以祀

冊

以上漆志附新纂

陳完陵陽人字拱璧號太璞博通經史隱居樂道元至正三年
詔完以翰林待制授修撰或疑其太優右丞相鐵木兒塔識
曰隱士無求於朝廷朝廷有求於隱士區區名爵何足論惜

識者誦之迨元末復歸隱池陽下清溪愛其山明水秀乃築
懸榻山房放懷詩酒頤養天真著書以娛老焉明太祖屢徵
不起洪武閒任清溪河泊所使陳洪卽其子也後子孫蕃衍
遂家於此通鑑參采訪冊

馬忠良祖居湖廣漢陽府漢陽縣乾元進士任池州同知因兵
亂隱居秋浦開元鄉原五保六峰山之南采訪冊

以上新纂

貴池縣志

卷三

人物志

流寓

八

